

淵

穎

集

三



集 穎 淵

(三)

撰 萊 吳

淵穎集卷四

次高橋觀張循王戰處

〔宋史本傳〕張俊字伯英鳳翔府成紀人。好騎射負才氣起於諸盜。屢立戰功。封循王。

日落見烟火。江流秋漸清。高橋足舟楫。小浦連菱菁。尙聞父老語。前此盜縱橫。

〔又〕江浙羣盜竄起。授俊兩浙西路江南東路制置使。以所部招

羣盜。命後軍統制陳思恭。隸之。

悲心北嶽狩。洒淚南海征。

〔按〕宋史。欽宗靖康二年。金人以二帝及后妃太子宗戚三千人北去。高宗建炎三年。金人入建康。帝奔明州。金人又陷臨安。遣兵渡浙追帝。帝航於海。四年。金人陷明州。

遂襲帝於海。帝走溫州。

疲民挈衣避。義士嚼血爭。叫囂無人境。隳突七十城。

〔本傳〕高宗紹興元年。金人殘亂之餘。孔彥舟據武陵。張用據襄漢。李成尤悍。彊據江淮湖湘十餘州。連兵

數萬。有席捲東南意。范宗尹請遣將致討。俊慨然請行。成黨馬進在筠州豫章。介江筠之間。俊大敗之。追至奉新樓子莊。直趨山椒。殺伏奪險。乘勝追至江州。成勢迫絕江而遁。復江州。已而興國軍等處羣盜聞俊兵至。皆遁去。俊引兵渡江。至黃梅縣。與成戰。親冒矢石。帥衆攻險。賊衆數萬俱潰。馬進爲追兵所殺。成北走。降劉豫。諸郡悉平。〔史記〕磨楯掃急檄。〔梁書〕荀濟負氣。每謂人云。會楯上擊樂毅下齊七十餘城。〔按〕杜詩。圭竇三千士。雲梯七十城。古人往往借用。磨楯作檄文。〔注〕楯兵器。所以蔽身。

銅持短兵。

〔前漢書〕李廣行無部曲。行陣就善水草頓舍。人人自便。不擊刁斗自衛。〔注〕刁斗以銅作鑊。受一斗。晝炊飯食。夜擊持行。〔史記〕匈奴人習戰攻。以侵伐其天性也。長兵則弓矢。短兵則刀鋌。病巡魚麗陣。〔左傳〕

曼伯爲右拒。蔡仲足爲左拒。原繁高渠彌以中軍奉公。爲魚麗之陣。先偏後伍。伍承彌縫。〔注〕司馬法。車戰二十五乘爲偏。以車居前。以伍次之。承偏之隙。而彌縫闕漏也。五人爲伍。此蓋魚麗陣法。

窮涓伏弩營。

〔史記〕窮涓追孫臏。臏量其暮。當

至馬陵。道狹可伏兵。乃斫大樹白而書之曰。龐涓死此樹下。令萬弩夾道而伏。期日暮。見火舉而俱發。龐涓夜至木下。見白書。乃攢火燭之。萬弩俱發。龐涓自知智窮。乃自刎曰。遂成堅子之名。

水犀怒且武。

水犀。解見雲門紀行。

風鶴遙

傳聲。

〔晉書〕謝安姪玄。以精銳八千。涉渡肥水。決戰苻堅。中流矢。衆奔潰。聞風聲鶴唳。皆以爲王師已至。

發揮鐃鼓曲。

〔禮〕始奏以文。後亂以武。〔注〕文謂鼓。武謂金。鐃樂始奏。先擊鼓。亂猶言終也。鼓聲爲陽。故謂文。鐃聲爲陰。故

謂武。又解見

申畫帶礪盟。

〔書〕申畫郊圻。〔前漢書〕高祖定天下。封功臣百四十五人。誓曰。黃河如帶。泰山若礪。國以永存。爰及苗裔。申以丹書之。信重以白馬之盟。

文石班不素。

〔前漢梅福傳〕願一登

文石之陛。涉

黃金鼎重撐。

〔禮〕崇鼎。貫鼎。大璜。封父龜。天子之器也。〔注〕崇。貫皆國名。〔鼎錄〕其飾天子以黃金。

漢儀整以暇。

〔左傳〕欒鍼見子重之旌。請曰。楚人謂夫旌子重之靡也。彼其子重也。日臣之使

於楚也。子重問晉國之勇。臣對曰。好以衆整。日又何如。臣對曰。好以暇。

唐室尤光晶。

〔通鑑〕唐李晟等收復東京。遣掌書記于公異作露布上行。在曰。臣已肅清宮禁。祇謁寢園。鍾簾不移。廟貌如故。帝覽之。泣下曰。天生李晟。以爲社稷。非爲朕也。

搜箭已林薤。泊帆仍陸行。舊廟凋細柳。

〔前漢書〕文帝時。匈奴入寇。宗正劉禮軍霸上。徐勵軍棘門。周亞夫軍細柳。帝幸霸上。棘門軍吏皆迎。已而之細柳。壁門不閉。前驅曰。天子且至。軍吏曰。軍中但聞將

軍令。不聞天子詔。上使謂亞夫曰。吾欲勞軍。亞夫乃傳言開壁門。軍吏曰。將軍約軍中不得馳驅。天子乃按轡徐行。至軍中。亞夫乃持兵揖曰。介冑之士不拜。請以軍禮見。天子動容式車。既出。左右皆驚上。嘆曰。此真將軍也。向者霸上棘門軍。兒戲耳。

新田滿

香杭豺狼久息鬬。

〔晉書〕孫綽上表曰。中宗龍飛。實賴長江。不然。江東爲豺狼之場矣。

罔兩空餘驚。

〔孔叢子〕土木之怪。夔罔兩。水石之怪。龍罔象。〔注〕言有夔龍之形。無實體。皆虛無也。

奇哉第

一戰永激萬古情。

還舍後人來問海上事詩以答之

去家纔五旬。恍若度一歲。豈不道路艱。周流東海濤。故人喜我返。來問海何如。所經何城邑。相去幾里餘。我言始戒塗。尙在越西鄙。隨波到句章。

〔名勝志〕左傳哀公二十四年。越滅吳。請使吳王居於甬東。杜預注云。句章縣東海外洲是其處。〔又〕句章城有二。一在慈谿城山渡之東。即越王句踐所築者。一

在府城南六十里。宋武帝改築於小溪鎮。因名之爲句章鄉者。一名官奴城。〔又〕隋合鄞句章鄞併爲句章縣。而鄞始廢。唐武德初。復句章爲鄞。大歷六年。以海寇袁叢之亂。始徙今治。長慶元年。并徙明州治於此。而鄞爲負郭。五代時。吳越錢氏改今名曰鄞。屬浙江寧波府。

滿目但積水。人云古翁洲。

〔又〕唐開元間立明州有翁山縣。則海中昌國地。今隸定海。即翁州是也。然實先定海而立。而定海乃古鄞縣地。其治爲鄞東北鄙。元和中省翁山海墻地。置望海鎮。不隸於州。乾寧初置望海軍於

甬江之海口。後更爲靜海鎮。因立望海縣。五代梁改今名。宋熙寧間置昌國縣於翁山。國朝併入定海。

遙隔水中央。一夜三百里。猛風吹倒檣。初從蛟門入。

〔又〕蛟門山在東海中約有

十五里。一名嘉門山。環鎮海口。吐納潮汐。有蛟龍穴處。時興颶風怪浪。

極是險與惡。白浪高於山。神龍曾以躍。

曾同留神速貌。

似雪復非雪。倚檣欲上看。舟

子禁不可。使入舟中蟠。尋常重性命。今特類兒戲。信哉昌黎言。有海無天地。

韓愈瀟吏篇。

掀掀終達岸。鹽鹵間

黃蘆。解見泊道隆觀。及夕泛海東。

人烟寄島嶼。官府猶村墟。水族紛異嗜。魚蟹及蠓蟻。

蠓音廉。〔說文〕海蟲。長寸而白。可食。蟻同蠓音滑。〔爾雅〕蟻蟻小者螻。〔注〕螻屬

見埤蒼。或曰即蟪蟪。似蟹而小。

我寧不忍餐。掇爾相吐沫。荒塵栖予髮。旭日照我身。似聞六國港。東壓扶桑津。或稱列仙

居。去此亦不遠。蟠木秋更花。蓬萊闢眞館。我非不願往。此險何可當。天吳布爪牙。

〔山海經〕朝陽之谷有神。曰天吳。是爲水伯。虎身人面。

八首八足。八尾。背青黃色。

出沒黑水洋。

解見閩。昌國志。

於奇豈易得。似足直一死。方去徒自驚。既歸亦云喜。珍重故人言。勿以險

爲奇。茲行已僥倖。慎勿疾平夷。雖然此異鄉。固是難久客。聖出風且恬。時清海如席。

〔韓詩外傳〕成王時。越裳氏重三譯而朝。曰。天之

不逆風疾雨。海之不揚波。三年矣。中國必有聖人乎。

我猶愛其然。恨不少淹留。爾毋爲我懼。遭此千丈虬。

〔說文〕虬。龍子有角者。

試看塵世間。甚彼大

瀛海。衣裳日沉溺。篙艣相奔潰。奔潰孰能救。沉溺將奈何。口吐舌不下。

〔莊子〕公孫龍口吐而不合。吐音區。張口貌。

聊爲故人歌。

夜讀魏伯陽參同契

〔全陽子〕魏公生於東漢。名伯陽。號雲牙子。會稽上虞人也。本高門之子。世襲簪裾。惟公不仕。修真潛默。養志虛無。博瞻文辭。通諸緯候。恬然守素。惟道是從。每視軒裳爲糠粃焉。不知師授誰氏。而得大

丹之訣。乃約周易。撰參同契三篇。密示青州徐景休從事。徐乃隱名而註之。至桓帝時。復以授同郡淳于叔通。遂行於世。〔又〕參三也。同相也。契類也。謂此書借大易以言黃老之學。而又與爐火之事相類。三者之陰陽造化殆無異也。

大道如大鎛。

〔周禮〕春官。鐻師。掌金奏之鼓。鐻音博。樂器。

人誰撞寸莛。

〔說苑〕子路對趙襄子曰。建天下之鳴鐘。而以莛撞之。豈能發其聲乎哉。

奇音一以振。俗耳焉能聆。伯

陽幅且異。眞契垂光。熒文詞信博瞻。緯候兼通靈。收功水火鼎。〔參同契水火性情章解〕金水爲情。木火爲性。吾身則性情皆具。情復其性。遂稱還丹。泄祕龍

虎經。〔又龍虎兩弦章〕偃月法鼎爐。白虎爲契樞。汞曰爲流珠。青龍與之俱。〔又流珠金華章〕龍呼於虎。虎吸龍精。兩相飲食。俱相食便。元象既自有。化機耶得停。金砂漸合質。〔又同類合體章〕

胡粉投火中。色壞還爲鉛。冰雪得溫湯。解釋成太虛。〔又金丹刀圭章〕下有太陽氣。伏蒸須臾間。先液而後凝。號曰黃輿焉。鴻濛鑿巨竅。〔又聖人上觀章〕

仲尼讚鴻濛。鑿太一臨玄局。〔又明辨邪正章〕道成德就。潛伏俟時。太乙乃召。移居中洲。易繫本覆謬。〔易本義〕繫辭。文王周公所作之辭。繫於卦爻之下。者。即今經文。上下傳。乃孔子所述繫辭之傳也。〔參同契聖賢伏煉章〕憂憫後生。好道之倫。隨旁風采。指畫古人。著爲圖籍。開示後昆。露見枝條。隱藏本根。託號諸名。覆謬衆文。學者得之。蘊匱終身。

關雎仍丁寧。〔又聖人上觀章〕關雎建始初。〔又君子好達章解〕此章又言還丹之道。必資陰陽

孔子或尸假。文王猶夢齡。〔禮〕文王謂武王曰。女何夢矣。武王對曰。夢帝與我九齡。文王曰。女以爲何也。武王曰。西方有九國焉。君王其終撫諸。文王曰。非也。古者謂年齡。齒亦齡也。我百爾九十。吾與爾三焉。文王九十七乃終。武

王九十。三而終。庶聖雖不語。〔參同契三聖前識章〕若夫至聖。不過伏羲。始畫八卦。效法天地。文王帝之宗。結體演爻辭。夫子庶聖。雄十翼以輔之。神仙豈徒冥。下學等蠕動。〔又日月懸象章〕衆夫蹈以

出。蠕動莫不由。塵骨多羶腥。彼殊不我卽。異學遂蝗螟。〔又傍門無功章〕世人好小術。不審道淺深。棄正從邪徑。欲遠闕不通。夜寐恍一接。晝思轉拘

囿。〔又關捷三寶章〕寢寐神相抱。覺寤候存亡。八石搜燥烈。〔又二土全功章〕子午數合三。戊己號稱五。三五旣和諧。八石正綱紀。〔解〕子爲水位。其生數一。午爲火位。其生數二。一與二共。合爲三也。戊己中央土。其生數五也。三五旣和諧。

即水火土調停之意。八石謂三五爲八石也。八石正綱紀。猶言八卦定方位之意。

胡麻搗芳馨。

〔集仙傳〕魏夫人名華存。學道服胡麻散。〔王維詩〕御羹和石髓。香飯進胡麻。

漢祀窮五時。

〔前漢郊祀志〕高祖入關。問故

秦時上帝祠何帝也。對曰。四帝有白青黃赤帝之祠。高祖曰。吾聞天有五帝。而四何也。迺待我而具五也。乃立黑帝祠。名曰北時。

秦游俯滄溟。

〔史記〕始皇東遊海上。求仙人美門之屬。南至湘山。遂登會稽。並海上。冀遇海中三神山之奇藥。不得。

非麟尙糾足。

〔子虛賦〕射麋脚麟。〔注〕脚謂持其脚也。漢書作格。

類鳳甘箴翎。

〔屈原賦〕鳳凰在箴。雞雉翔舞。箴音辛。鳥籠。

似此期不死。哀哉幾時醒。鄙夫亦素

隱。妙語思黃庭。

〔道書〕紫霞篇。即黃庭內景經也。〔集仙錄〕景林真人授以內景經。令讀萬遍。乃得洞觀鬼神。

勿爲兩高弟。慎倒迷日星。

〔神仙傳〕魏伯陽入山作神丹。將三弟子。知

兩弟子心不誠。乃誡之曰。金丹雖成。當先試之。與白犬食之。犬即死。乃謂諸弟子曰。吾背違世路。委家入山。不得仙道。吾亦恥復歸。死之與生。吾當服之耳。丹入口即死。一弟子曰。師非凡人也。服丹而死。得毋有意邪。又服之。即死。二弟子遂不服。共出山求棺木殯具。去後。伯陽即起。將服丹弟子及白犬而去。遂入山伐薪。人作

手書與鄉里人。寄謝二弟子。弟子見書。始大懊惱。

徘徊化鶴柱。

〔解見和陶淵明〕

想像屠牛圃。

〔莊子〕庖丁爲文惠君解牛。砉然騞然。奏刀騞然。云所解數千牛矣。而刀刃

若新發於硯。

伏苓儻可煮。笑倚長松青。

〔淮南子〕千年之松。下有伏苓。上有菟絲。〔金陵志〕方山有野人。見使者異服。率一白犬。野人問居何地。曰。居偃蓋山。隨至古松下而沒。松形果如蓋。意使者乃松樹犬。乃茯苓耳。

送宋景濂樓彥珍二生歸里

我生本孤陋。偶到越江頭。如何彼二子。直泝越江流。子來我欲去。子去我仍留。留子子不住。送子使人愁。我且與子酒。西風吹子裘。問子何所學。將通魯春秋。聖心久不白。聖髓空旁搜。聖心但至正。賢傳相戈矛。

〔晉書儒林傳〕劉兆以春秋一經而三家殊塗。諸儒是非之議紛然。互相讐敵。乃思三家之異。合而通之。周禮有調人之官。作春秋調人七萬餘言。皆論其首尾。使大義無乖。時有不合者。舉其長短以通之。

晉臣忠如預。

〔晉書〕杜預爲春秋左

氏經傳集解。又參攷衆家譜。第謂之釋例。又作盟會圖。

春秋長歷備成一家之學。嘗答武帝曰。臣有左傳癖。

漢士識有休。

〔後漢儒林傳〕何休。字邵公。精研六經。世儒無及者。作春秋公羊解詁。又以春秋駁漢事六百餘條。妙得公羊本意。休善歷

算。與其師博士羊弼。追述李育意。以難二傳。作公羊墨守。左氏膏肓。穀梁廢疾。〔注〕言公羊之義不可攻。如墨翟之守城也。

發揮一王法。褻絀五等侯。經筵未可弃。墨守或爲讎。我

今豈謂能。子幸與經謀。嗟哉我何學。半世成倦游。

〔前漢司馬相如傳〕長卿故倦游。

焚膏政自苦。

〔韓愈進學解〕焚膏油以繼晷。恒兀兀以窮年。

奏牘

不見收。

解見送鄭獻可。

我迂世所誚。我病我難瘳。子何不卽遠。說我東家丘。

〔事文類聚〕邴原欲遠游學。詣長安孫崧。崧辭曰。君鄉里鄭君。君知乎。原答曰。然。崧曰。學覽

古今博聞強識。鈎深致遠。誠學者之模範也。君乃舍之。躡屣千里。所謂以鄭爲東家丘也。原曰。人各有志。所向不同。有登山而探玉者。有入海而探珠者。豈可以登山者不如海之深。入海者不如山之高哉。君謂僕以鄭爲東家丘。則君以僕爲西家之愚夫耶。崧辭謝焉。〔家

語〕魯人不識孔子聖人。乃

我寧不及子。請子更歸求。毋徒挺岩嶠。亦莫變浮漚。山雞伏鵠鷄。

〔莊子〕越雞不能伏鵠卵。魯雞固能矣。

曰。彼東家丘者。吾知之矣。

難之與難。其德非不同也。有能與不能者。其才固有巨小也。今吾才小。不足以化子。鷄音卻。〔廣韻〕鳥卵一說與殼通。

我尙與此侔。勗哉敢不力。前路無停驂。

山中人四首

白日出復沒。胡獨勞我生。所務在卒歲。

〔詩〕無衣無褐何以卒歲。

朝夕強營營。當春治農器。土脈亦瘠盈。

〔王彪之賦〕步土脈。測水泉。

薄言藝黍稷。庶以觀其成。涼風一披拂。場圃如坻京。

〔詩〕如坻如京。

凍戶猶畝首。康衢或歌聲。

〔通鑑前編〕帝堯遊於康衢。聞兒童謠。

曰。立我蒸民。莫非爾極。不識不知。順帝之則。又有老人擊壤而歌。曰。日出而作。日入而息。鑿井而飲。耕田而食。帝力何有於我哉。

於茲尙不給。野有菜色氓。

〔禮〕以三十年之通制國。用雖有旱乾水溢。民無菜色。

毋寧

拾橡栗。起視牀頭餅。

〔後漢李恂傳〕歲荒。徙居新安關下。拾橡實以自資。

二

貧賤素所有。豈辭辛與勤。清晨腰我斧。往伐西山薪。高巖屹巨壑。蛇虎氣逼人。衣裳既不完。出入在荆榛。

日日一接浙。釜飢恆生塵。

〔後漢循吏傳〕范丹字史雲。桓帝時爲萊蕪令。清貧。人歌之曰。甑中生塵范史雲。釜中生魚范萊蕪。

白石幾時爛。

解見秋日雜詩。

青烟空滿鄰。家徒

四立壁。

〔前漢書〕司馬相如與文君馳歸成都。家徒四壁立。

冬令方行春。

〔禮〕孟冬行春令。則凍閉不密。地氣上泄。民多流亡。

亦有偃佺子。翛然爲世珍。

〔列仙傳〕偃佺。槐里采

藥父也。好食松實。形體生毛。長數寸。能飛行。逐走馬。以松子遺堯。堯不服。時受服者皆三百歲。

三

歲晚筋力倦。長歌守窮廬。塵函散縹帙。且復少嘔唏。文章信小技。

〔隋書〕李諤上書曰。魏之二祖。忽人君之大道。好雕蟲之小技。連篇累牘。不出月露之形。積案盈

箱。盡是風雲之狀。

世故交相驅。撥書置床上。我豈爲蠹魚。

蠹魚解見胡仲申至。

自從童習之。白首愈紛如。卓彼先聖人。欲開後

世愚。文繡豈不佳。輿臺同一軀。

〔左傳〕士臣皂。皂臣輿。輿臣隸。隸臣僚。僚臣僕。僕臣臺。〔杜甫詩〕照耀輿臺軀。

但當樂道義。肯恤吾身羶。

〔韓非子〕子貢見子夏肥而問之。

子夏曰。吾人見夫子之義。則榮之。出見富貴之樂。又榮之。戰於胷中。未知勝負。故癯。今義勝。故肥。

四

去經十數里。霜露淒枯田。簑笠旣挂壁。

〔詩〕何簑何笠。

桔槔亦倚垣。

〔莊子〕不見桔槔乎。引之則俯。舍之則仰。故俯仰而不得罪於人。〔說文〕桔槔。汲水器。

相從

盡隣曲。言笑仍喧喧。惟此老瓦盆。酒漿稍羅前。

〔續韻府〕陳宣好飲。一日貴客過。笑宣用陶器。宣曰。莫笑。此老瓦盆。多見興廢也。客無語。〔杜甫詩〕莫笑田家老瓦盆。

奈何不

解飲。而喜鯨吸川。

〔又〕飲如長鯨吸百川。

有如善涸人。觀者乃在船。

〔列子〕習於水而勇於涸。〔荀子〕民猶水也。濟川者乘舟。其次涸涸者。勞而危。以智能治民者涸也。以道德治民者舟也。

涸同。音囚。〔說文〕浮行水上也。

寸心久已醉。雙眼方醒然。世俗正馳驚。悲哉東西阡。

〔風俗通〕南北曰阡。東西曰陌。河東以東西爲阡。南北爲陌。

脈望

〔續酉陽雜俎〕何諷書中得一髮捲規四寸許如環無端用力絕之兩端滴水方士曰此名脈望蠹魚三食神仙字則化爲此夜持向天從規中望星星使立降可求還丹取此水和而服之即時換骨上昇因取古書尋義讀之皆神仙字諷方服

天地常育物爾何爲蠹魚魚形不在澤蠹我萬卷書於茲亥豕間

〔家語〕有人讀史云三家渡河子夏曰已亥渡河校之果然

偶值神仙字

咀穿以百餘變化何容易多應直如髮亦或圓中規天星必降氣仰望固不移惟人萬物靈耳目鼻口具

曾不如彼蟲政由不學故童年便有習白髮

一作矣

尙難精人書兩無涉物我每相爭誰其希聖賢竟自雜

奴虜聖人不汝藥使作聾與瞽太虛但一理元造豈停機竹蠅因雨蛻

〔說文〕橘蠹得風飛蛻蟬也

解見送

神

非凡人物化乃罔測何哉我瀛蓬

瀛蓬解見泰山高

獨不插羽翼張郎不解事強欲學神仙醉生且不悟夢死更茫

然起看蠹魚瓶明月秋滿機汝母聽我歌笑倒抱朴子

抱朴子解見景陽宮

寄相仲積求觀鄭北山雪竹賦并畫卷

〔金華人物志〕鄭剛中字亨仲紹興二年進士調溫州判官賑饑得法用秦檜薦爲敕令所刪定官累升尙書右司員外郎時秦檜主和議剛中爲陳虜不

可信不聽擢監察御史遷殿中侍御史抗疏條奏和議利害甚詳及胡銓上書欲斬秦檜帝怒禍且不測剛中率同列論救銓得編置移中正少卿遷祕書少監橫炤出諭京陝辟充參謀官還除禮部侍郎再擢樞密直學士出爲川陝宣諭使尋充陝西

分畫地界使。命使烏陵贊謀將至。剛中出關迎之。與金使反覆爭詰辨難。終全階成岷鳳及秦商之半。列險據要。蜀賴以安。就除端明殿學士。四川宣撫使。宣司時。蜀中勁卒十萬。都統吳玠。楊政。郭浩。皆驕悍難制。剛中每折之以威。接之以恩。無不帖服。在蜀凡六年。儲蓄豐積。將士用命。虜不敢犯。當時每與宗忠簡同稱曰。宗某如猛虎之在北。鄭某如伏熊之在西。其見推重如此。秦檜見蜀中富饒。諷使進金三萬兩。又令下錢米。荆門剛中不從曰。今時講和。正爲他時恢復計。要當息民儲備爲先。檜不悅。會虜索北人在南者。檜悉遣之。蜀門有義勝一軍。首領李謹等十四人皆驍勇。剛中以其留蜀久。縱之必生患。悉斬之。檜怒其專。召還。文致其罪。謫桂陽軍居住。再得封州卒。檜死。後追復原官。謚曰忠愍。所著有北山集等書。

古人不可作。雪竹有奇思。鄭公詠騷詞。或者攻繪事。向來拈筆間。才士巧相值。誰從歲寒窺。便得瑚璉器。

東國正擾攘。靖康更元二。

〔按〕宋史。金人以徽欽北去。在靖康二年。〔隸釋〕鄧隱傳。元二之災。注云。元二。卽元元也。古書字當再讀者。卽於上字之下。爲小二字。言此字當兩度言之。後人不曉。遂讀爲元二。或同之陽九。或附之

百六。良由不悟。致斯乖舛。岐州石鼓銘。凡重言者。皆爲二字驗也。趙氏云。此司隸校尉楊孟文石門頌碑有曰。中遭元二。西戎虐殘。橋梁斷絕。若讀爲元元。則爲不成文理。疑當時自有此語。漢注未必然也。予按漢刻如北海相景君及李翊夫人碑之類。凡重文皆以小二字贅其下。此碑有烝烝明明。蕩蕩世世。勤勤。亦不再出一字。然非若元二。遂書爲大二字也。又孔耽碑云。遭元二。輶軻人民相食。若作元元。則下文不應又言人民。漢注之非明矣。王充論衡云。今上嗣位元二之間。嘉德布流三年。零陵生芝草五本。四年。甘露降五縣。五年。芝復生。六年。黃龍見。大小凡八章。帝紀所書建初三年。以後龍芝。甘露之瑞。皆同。則論衡所云元二者。蓋謂卽位之元年二年也。

上天忽同雲。

〔詩〕上天同雲。雨雪雰雰。

大地惟朔吹。

〔王韶之咏雪詩〕曲室寒兮朔風厲。川

陸涸兮百籟鳴。〔初學集〕代馬依朔吹。

玄陰知己凝。

〔元命苞〕陰氣凝而爲雪。

積羽忍不墜。

〔史記〕張儀說魏哀王曰。積羽沈舟。羣輕折軸。衆口鑠金。積毀銷骨。

狂曾鵝炙求。

〔南史〕劉毅在

京口往東堂共射。庾悅亦出東堂。殺曰。豈能以此堂見讓。悅不答。又曰。今年未得子鵝。豈能以殘炙見惠。又不答。後悅刺江州。殺表解其官。

困及蟻漿饋。

〔嶺表錄異〕交廣溪峒酋長。取蟻卵淘淨爲醬。安南國蟻子醬。山人掘蟻卵至斗石食之。

離明乃煌煌。

〔易〕明兩作離。太人以繼。明照于四方。

勁節特一致。秦關收甲兵。蜀閫擁旗幟。

解見題注。

每疑一寸心。長挺千畝翠。

〔蘇軾文〕竹

之始生。一寸之萌耳。而節葉具焉。

〔史記〕渭川千畝竹。與千戶侯等。

學行尙吾時。窮達等墨戲。相君本彌甥。

〔左傳〕季康子曰。以肥之得備彌甥也。〔注〕彌遠也。康子父之舅氏。故稱彌甥。

年耄

常拭背。自應守遺文。重襲在篋笥。滿山蒼竹林。凡木總顛顛。因之寄君詩。爲洒懷古淚。

柳博士出示太原鬱金江陵三脊茅汝寧蓍草

〔說文〕鬱。芳草也。十葉爲貫。百二十貫。築以煮之爲鬱。一曰鬱。鬱。百草之蓍。遠方鬱人所貢芳草。合釀之以降神。鬱。今鬱林郡也。〔南

州異物志〕鬱金出闕賓。國人種之。先以供佛數日。萎然後取之。〔按〕本草鬱金香。光明經謂之茶矩摩香。此乃鬱金花。香與今時所用鬱金根。名同物異。〔前漢郊祀志〕江淮間。一茅三脊爲神籍。〔書〕包匭蓍茅。〔注〕蓍茅有刺而三脊。所

以供祭祀縮酒之用。既包而又匣之。所以示敬也。〔左傳〕爾貢包茅不入。無以縮酒。寡人是徵。〔本草〕蓍如蒿叢生。條直。高五六尺。異衆蒿。秋後有花出枝端。紅紫色如菊。七十年益一莖。生少室山。及上蔡縣。實入藥莖。可以筮。〔按〕志太原屬山

西。江陵屬湖廣。

汝寧屬河南。

柳侯往京國。十載卻歸沐。

〔前漢張安世傳〕休沐未嘗出。

自言守奉常。

〔前漢百官表〕奉常。秦官。掌宗廟禮儀。景帝中六年。更名太常。〔注〕太常。王者旌旗也。畫日月焉。王有大事。則建以行。禮官主

奉侍之故曰奉常也。後改為太常。尊大之義也。

朝夕近黃屋。

黃屋解見觀秦丞相碑。

乾包暨坤涵。上下俱滲漉。

〔史記〕司馬相如封禪書。滋液滲漉。何生不育。滲音森。去聲。漉音六。

從知

敬神人。豈止蕃草木。

〔易〕天地變化草木蕃。

鬱鬯本晉產。始裸已芬馥。

〔周禮〕大宗伯以肆獻裸享先王。〔注〕裸之言灌也。灌以鬱鬯。謂始獻尸求神時也。

菁茅楚所貢。

既奠酒以縮。靈著上蔡來。五十備一束。

〔易〕筮儀。著五十莖。

九疇乃稽疑。初筮曾不瀆。

〔書〕洪範九疇。七稽疑。擇建立卜筮人。乃命卜筮。〔易〕初筮告再三

瀆。瀆則不告。

恭惟當寧聖。永錫中國福。

〔書〕敘時五福。用敷錫厥庶民。

廟堂有垂紳。邊境無折鏃。

〔國策〕未絕一弦。不折一矢。〔賈誼過秦論〕秦無亡矢遺鏃之禍。而天下

諸侯已困矣。

禮經官並舉。宗祀物皆足。陟降儼如在。

〔詩〕陟降庭止。

馨香薦惟肅。

〔書〕至治馨香。感于神明。

夏后列包匭。

音癸。匣也。

周家

用圭玉。

〔禮〕以禘禮祀周公於太廟。灌用玉。瓚大圭。薦用玉豆。雕篋。爵用玉琖。仍雕。

方修四時祭。定取柔日卜。

〔又〕外事以剛日。內事以柔日。〔注〕甲丙戊庚壬爲剛。乙丁己辛癸爲柔。

八佾陳

羽籥。鸞刀割辟牲。

〔詩〕執其鸞刀。以啓其毛。取其血膋。〔書〕燕祭歲文。王辟牛一。武王辟牛一。

郊丘遞云講。

〔周禮〕祭天於圓丘。祀地於方澤。〔禮〕於郊。故謂之郊。

柴望隨可復。

〔書〕歲二月東

巡狩。至于岱宗。柴。望秩于山川。〔注〕柴。燔柴以祀天也。望而祭之。故曰望。

幸茲敦孝理。久則變風俗。似渠不世見。焜耀驚我目。

〔按〕詩商頌那篇。

祀成湯也。

綿萋何煩錄。

〔史記〕叔孫通起朝儀。與弟子百餘人爲綿萋野外習之。〔注〕引繩爲綿。立表爲萋。

太平此其符。有暇發汝櫝。

〔易〕筮儀。納著櫝中。置於牀北。〔注〕櫝以竹筒。或堅木。或

布漆爲之。員徑三寸。如箸之長。半爲底。半爲蓋。下別爲臺函。之使不偃仆。

同陳樞壽登臥龍山望海亭卻觀賈相故宅或云越大夫種墓在山上

〔名勝志〕與地志云。臥龍山舊名種山。又名重山。水經注云。文種城於

越。而伏劍於山陰。越人哀之。葬於重山。元稹州宅詩序云。州子城。因種山之勢。盤繞迴抱。若臥龍形。故取以爲名。〔又〕

紹興府署枕臥龍山。東麓有東園。竹木蒼然。繞山北可登望海亭。即今之越望亭也。〔宋史〕賈似道字師憲。台州人。

昨日新雨已行。登臥龍岡。征衣忽我薄。絕頂極寒涼。鑑湖水自涸。

鑑湖解見雲門紀行

蓬島屹相望。

〔奉化縣志〕蓬島山在縣南四十里。

神鴉弄落景。海蜃連扶桑。前朝尙未遠。列甸或稱疆。王孫只草綠。

〔劉安招隱士〕王孫遊兮不歸。春草生兮萋萋。

相府空蓮香。

〔南史〕

王儉用庾杲之爲衛將軍。蕭綸與儉書曰。盛府元僚。實難其選。庾景行泛綠水。依芙蓉。何其麗也。時以儉府爲蓮花池。〔世說〕王儉高自標位。時人呼儉府爲入芙蓉池。

高明豈有瞰。

〔前漢揚雄傳〕高明之家。鬼瞰其室。

土木竟

爲殃。興衰一以變。貴富何能常。山靈司霸轍。古隧闕兵防。

〔周禮〕及窶以度爲丘隧。〔注〕掘地通道以葬。天子有隧。諸侯有美。

毋寧甲楯棲。

解見雲門紀行

卒使良弓藏。

〔史記〕范蠡既去。遺文種書曰。飛鳥盡。良弓藏。狡兔死。走狗烹。敵國破。謀臣亡。越王長頸烏喙。不可共安樂。子何不去。種稱疾不朝。人或讒種且作亂。越王賜之劍。使自殺。

哀哉大夫種。直不脫劍

鋒。荒雲但墓穴。烏喙卻悲傷。功成偶不退。苦膽不思嘗。

嘗膽解見雲門紀行

炙手既可熱。

〔唐書〕元載爲相。有用事四人。熏灼中外。人爲之語曰。卓李鄭薛。

炙手
可熱。重奎果何光。史文幸明白。忠死斯不忘。蕭然北風樹。爲攪鐵石腸。
媚詞及觀其梅花賦。清新宛轉。得南朝徐庾體。殊不類其爲人。

〔古今合璧〕皮日休曰。宋廣平爲相。其貞
姿勁質。剛麗毅狀。疑其鐵心石腸。不解吐婉。

觀姚又公集記趙江漢舊事

〔元史〕趙復。字仁甫。德安人。太宗乙未歲。命太子闊出帥師伐宋。德安以嘗逆戰。其民數十萬。皆俘戮無遺。時楊惟中行中書省。軍前姚樞奉詔。即軍中求儒道釋醫卜士。凡儒生掛

俘籍者。輒脫之以歸。復在其中。樞與之言。信奇士。以九族俱殘。不欲北。因與樞訣。樞恐其自裁。留帳中共宿。既覺。月色皓然。惟寢衣在。遽馳馬。周號積屍間。無有也。行及水際。則見復已被髮徒跣。仰天而號。欲投水而未入。樞曉以徒死無益。汝存。則子孫或可以傳緒百世。隨吾而北。必可無他。復強從之。先是。南北道絕。載籍不相通。至是。復以所記程朱所著諸經傳注。盡錄以付樞。目復至燕。學子從者百餘人。世祖在潛邸。嘗召見。問曰。我欲取宋。卿可導之乎。對曰。宋。吾父母國也。未有引他人以伐父母者。世祖悅。因不强之仕。惟中開復論議。始嗜其學。乃與樞謀建太極書院。立周子祠。以二程、張、楊、游、朱六君子配食。選取遺書八千餘卷。請復講授其中。復以周程而後。其書廣博。學者未能貫通。乃原義農堯舜所以繼天立極。孔子顏孟所以垂世立教。周程張朱所以發明紹續者。作傳道圖。而以書目條列於後。別著伊洛發揮。以標其宗旨。朱子門人散在四方。則以見諸登載。與得諸傳聞者。共五十有三人。作師友圖。以寓私淑之志。又取伊尹顏淵言行。作希賢錄。樞旣退隱蘇門。乃即復傳其學。由是許衡、郝經、劉因。皆得其書而尊信之。北方知有程朱之學。自復始。復家江漢之上。以江漢自號。學者稱之曰江漢先生。

江左一丸國。北兵臨鄂城。

〔水經注〕江之右岸。有鄂縣故城。舊樊楚也。世本稱熊渠封其
中子爲鄂王。晉太康地記。以爲東鄂矣。〔九州記〕鄂今武昌也。

鄂城小不敵。圍塹泣孤嫗。